



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VI. Ioannes Archiepiscopus Lugdunensis aiebat investituram exteriorem  
desinere poße in hæresim, si quis pertinaciter contendat eam à laïco  
concedi, qui hæresim esse negat.

**urn:nbn:de:hbz:466:1-15617**

conglutinandam profuisset istud collo-  
quium, Henricus Imperator Italiam bello  
periit. Quo factum est ut Paschalis Papa ad  
paetionem venerit, quæ extat in Chronico  
Cassinensi lib. i v. cap. xxxvii. & in epi-  
stola Paschalis ad Imperatorem, in qua præ-  
cipit ut Episcopi Henrico Imperatori suc-  
cessoribusque ejus remittant Regalia, id est,  
ut ipse explicat, civitates, ducatus, mar-  
chionatus, monetas, dominationes, & reli-  
qua feuda ad Imperij servitium pertinentia,  
néve illa deinceps occupent absque con-  
sensu Imperatoris. Sed vicissim, his ita con-  
stitutis, dimitti ab Imperatore mandat jus  
investiturarum Episcoporum, & ut Eccle-  
sias ille liberas esse permittat cum oblatio-  
nibus earumque patrimonii, quæ non per-  
tinent ad regnum. Hæc sunt verba Pascha-  
lis in epistola xxi. ad Henricum data: *In*  
*vestri regni partibus Episcopi vel Abbates adeo*  
*civis secularibus occupantur comitatum assidue*  
*frequentare & militiam exercere cogantur. Infrā:*  
*Ministri vero altaris, ministri Curiæ facti sunt:*  
*quia civitates, ducatus, marchionatus, monetas,*  
*\* turres, & cetera ad regni servitium pertinentia*  
*à Regibus acceperunt. Unde etiam mos Ecclesie*  
*intolerabilis inolevit ut electi Episcopi nullo modo*  
*consecrationem acciperent nisi prius per manum*  
*regiam investirentur. Infrā: Tibi itaque, fili ca-*  
*rissime, & regno Regalia illa dimittenda precipi-*  
*mus que ad regnum manifestè pertinebant tempore*  
*Caroli, Ludovici, Ottonis, & ceterorum prede-*  
*cessorum tuorum. Interdicimus, etiam ne qui Epis-*  
*coporum vel Abbatum eadē Regalia invadant,*  
*id est, civitates, ducatus, marchias, comitatus,*  
*monetas, telonium, mercatum, advocatas, jura*  
*centurionum, & \* turres que regni erant, cum*  
*pertinentiis suis, \* militiam & castra; & ne se*  
*deinceps, nisi per gratiam Regis, de ipsis Regali-*  
*bus intrrompant. Sed nec posteris nostris licet,*  
*qui post nos in apostolica sede successuri sunt, aust-*  
*re aut regnum super hoc inquietare negotio.*

I V. Postquam autem Romam perven-  
tum fuit, Henricus pœta & sacramenta sua  
violans, Paschalem Papam ac nonnullos  
Episcopos & Cardinales in carcерem con-  
jecit, & ab eo extortis privilegiis investi-  
turarum. Magni porrò momenti illud est,  
quod ex eo colligatur veruſta illa consuetu-  
do cui tantopere contradicebant Summi  
Pontifices. Extat autem apud Florentium  
Vigornensem ad annum M C XI. & apud  
Willemum Malmeburensem in libro quin-  
to de gestis Regum Anglorum. *Illam igitur*  
*dignitatis prerogativam, inquit Paschalis Pa-*  
*pa in eo privilegio, quam predecessores nostri*  
*vestris predecessoribus catholicis Imperatoribus*  
*concesserunt, nos quoque dilectioni tue concedi-*  
*mus & presentis privilegij pagina confirmamus,*

*ut regni tui Episcopis, liberè præter violentiam &*  
*simoniā electis, investituram virgo & anuli*  
*conferas. Post investitionem vero canonice conse-  
crationem accipiant ab Episcopo ad quem perti-  
nuerit. Si quis autem à clero & à populo præter*  
*tuum assensum electus fuerit, nisi à te investi-  
tetur, à nomine consecratur. Sane Episcopi & Ar-  
chiepiscopi libertatem habent à te investitos Epis-  
copos & Abbates canonice consecrandi. Predeces-  
sores enim vestri Ecclesiæ regni sui tantis Re-  
galium suorum beneficis ampliarunt ut regnum*  
*ipsum Episcoporum maximè & Abbatum presidiis*  
*oporteat communiri, & populares dissensiones,*  
*que in electionibus contingunt, regali oporteat ma-  
jestate compesci.*

V. Privilgium illud vocatum est pravi-  
legium & revocatum in synodo Romana  
quam anno sequenti millesimo centesimo  
duodecimo Paschalis Papa convocavit.  
Disputatum autem est ea tempestate an per-  
tinacia illa propugnandarum investitura-  
rum hæresis esset, ut Romæ ferebatur. Ivo  
sententiam suam aperte explicat ad Ioan-  
nem Archiepiscopum Lugdunensem scribi-  
bens. Contendit autem investitaram dici  
non posse hæresim, cum ad fidei materiam  
nullatenus pertineat, & cum in sola ejus  
manuali actione versetur qui dat & ejus qui  
accipit. Si tamen aliquis laicus reperiretur  
adeo stolidus & vecors ut sibi perfaudeat se,  
cum baculum tradit, conferre aliquod sa-  
cramentum aut effectum sacramenti cuiuspi-  
am ecclæsticæ, habendum eum pro ha-  
retico, non quidem ratione investitura manu-  
alis, sed ob diabolicalm illius præsumptionem.  
Addit vero investitaram illam manu-  
alem à laicis factam, si res ad vivum & accu-  
ratè excutiantur, invasionem esse juris alieni  
& sacrilegam præsumptionem, quam  
oporteat omnino rescindere pro libertate &  
honestate Ecclesiæ, si quidem id fieri pos-  
sit absque detrimento pacis. Demum con-  
cludit tollendam esse investitaram, ubi id  
obtineri poterit absque schismate, sed illuc  
supercedendum esse remediū ubi certum ef-  
fice cognoscitur periculum schismatis. Quo  
loco observandum est, Ivonem, tametsi ni-  
hil hæreticum esse scribat in investitura quæ  
fit per traditionem baculi, præsumptionem  
tamen heic esse & quoddam sacrilegij ge-  
nus existimare, licet in epistola sexaginta  
hunc usum scripserit esse indifferentem. Sed  
jam se aliquo modo accommodare volebat  
ad anathemata quæ dicta recenter fuerant  
in hac materia.

V. At Ioannes Lugdunensis Archiep-  
copus Ivoni respondens, faretur quidem in-  
vestitaram exteriorem à laico factam non  
esse propriæ hæresim; sed tamen contendit

\* Leg. curie, ex  
Chronico Calli-  
nei.

\* Leg. curie

\* Leg. militaria  
castra, ex Chrono-  
Callin.

in hæresim desinere si quis pertinaciter contendat eam fieri licite posse. Cui scriptio non omnino assentitur Ivo: qui illud tantum fatetur, eorum opinionem schismati accenfendam esse qui propugnant investituras. Eorum sententiam (inquit Ivo in epistola ccxxxii.) qui investituras laicorum defendere volunt, schismaticam judico.

VII. Goffridus Abbas Vindocinensis, illorum temporum scriptor, quem vir clarissimus Sirmundus editionis honore donavit, sribens ad Callistum secundum Papam, ad quem cum sede transierant præcessorum animi, hanc investiturarum materiam traet habitate ratione illorum temporum; ac viam quandam aperit opportunam sedandæ huic controversiæ, quæ Ecclesiam turbaverat per quinquaginta annos, & occasionem dederat introducendi in Ecclesiam Pseudopontifices itemque Imperatores excommunicatos. Distinguit enim investitram quæ per annulum & virgam siebat ab ea quam laici faciebant absque illa solennitate. Quoad primum investiturae genus, ait virgam & annulum esse velur quoddam sacramentum in Ecclesia, non secus ac salem & aquam, oleum & chrisma, nonnullasque alias res sine quibus peragi non possunt consecrationes hominum aut Ecclesiarum, atque adeo inconcessum aliquid tentari adversus auctoritatem Iesu Christi quoties laici Prelatis tribuunt investitaram per baculum & annulum, quod eos à nemine alio recipere debeant quam à consecratore suo. Quoniam tamen Ecclesia liberalitate Principum locupletata fuerat multis possessionibus, videri prorsus locum non esse traducendi investitram regiam, qua sit propter res spirituales. Sed eam tamen cautionem adhibet, ut investitaram dari à Principe nolit nisi post electionem & consecrationem. Tum vero ait non referre quoniam id signo fiat. Hæc sunt ejus verba in opusculo ad Callistum Papam cap. III. & IV. Investitram per virgam & annulum accipere, nisi à suo consecratore, manifestum est esse damnum: quia nulli laicis licet illa Ecclesie sacramenta dare, sicut ei non licet Episcopum consecrare. Infrā: Alia est utique investitura que Episcopum perficit, alia que Episcopum perficit. Illa ex divino jure habetur, ista ex jure humano. Subtrahit jus divinum, spiritualiter Episcopus non creatur. Subtrahit jus humanum, possessiones amittit quibus ipse corporaliter sustentatur. Non enim possessiones habebet Ecclesia nisi sibi à Regibus donarentur, & ab ipsis, non quidem divinis sacramentis, sed possessionibus terrenis investirentur. Infrā: Posunt itaque Reges sine offensione, post electionem canoniam & consecrationem, per investi-

suram regalem in ecclesiasticis possessionibus concessionem, auxilium, & defensionem Episcopo dare. Quod quolibet signo factum extiterit, Regi vel Pontifici seu catholice fidei non nocabit.

Modificationem porrò Iovoni incognitam & vetustæ consuetudini contrariam adfert Goffridus, nimurum non debere Episcopum accipere investitaram à Rege nisi post consecrationem, cum tamen olim consecrari non posset donec approbatus & investitus fuisset à Rege.

#### ADDITIO

STEPHANI BALUZII.

ADNOTATUM est in paragrapho quinto hujus capituli, privilegium quod Henricus quintus Imperator extorxit anno MCXI. à Paclale secundo Papa, vocatum fuisse anno sequenti pravilegium in Concilio Romano. Certum id quidem. Id enim prorsus habetur in editis Concilij hujuscæ actis. Verum cùm illa finis depravatissima, præsertim in subscriptionibus, ac res tanti momenti sit ut non uno loco referri debat, facturum me opera pretium existimavi si hec bona fide exscriberem eadem acta ex pervetus codice M S. sancti Albini Andegavenis, unde à me descripta sunt anno MDLXI. mense Septembri. Sunt enim emendatissima. Sic ergo habent.

#### CONCILIVM LATE RANENSE

HABITVM ANNO MCXII.

#### ACTIO CONCILII CONTRA HÆRESIM DE INVESTITURA.

ANNO ab incarnatione MCXII. Indictione V. anno pontificatus Domini Papæ Paschalis secundi 1111. menfe Martio, xv. \* Idus Aprilis, celebratur est Concilium Romæ, Lateranis, in Basilica Constantiniiana. In qua cùm Dominus Papa Paschal is refulset cum Archiepiscopis & Episcopis & Cardinalibus & Abbatibus & varia multitudine Clericorum & laicorum, ultima die Concilij facta coram omnibus professione catholice fidei, ne quis de fide ipsius dubitaret, dixit. AMPLIOR omneum divinam Scripturam, scilicet veteris & novi testamenti, legem à Moïse scriptam, & à sanctis Prophetis. Amplerior quatuor evangelia, septem canonicas epistolulas, epistolulas gloriose Doctoris beati Pauli Apostoli, sanctos canones Apostolorum, quatuor universalia Concilia sicut quatuor evangelia, Nicenum, Ephesinum, Constantiopolitanum, Chalcedonensem, & Antiochenum. Vide supra lib. 5. cap. 21. §. 12. Concilium, & decreta sanctorum patrum Romanorum Pontificum, & præcipue decreta Domini mei Papæ Gregorij septimi & beate memoriae Papæ Vrbani. Quæ ipsi laudaverunt laudo, quæ ipsi tenuerunt teneo, quæ confirmaverunt confirmo, quæ damnaverunt damno, quæ repulerunt repello, quæ interdixerunt interdicto, quæ prohibuerunt prohibeo in omnibus & per omnia, & in iis semper perseverabo.

Quibus expletis, surrexit pro omnibus Girardus Engolismensis Episcopus, Legatus in Aquitania, & communis assensu Domini Papa Paschal is totiusque